



REGIONE AUTÒNOMA DE SARDIGNA
REGIONE AUTONOMA DELLA SARDEGNA

SU PRESIDENTE

PROT. N.2379

ORDINÀNTZIA n. 6 de su 5 de martzu de su 2021

Ogetu: Ulteriores mesuras istraordinàrias urgentes de cuntrastu e preventzione de s'ispaghidura epidemiològica dae covid-19 in su territoriu regionale de sa Sardigna. Ordinàntzia in cunforma a s'art. 32, comma 3, de sa lege de su 23 de nadale de su 1978, n. 833 in matèria de igiene e sanitade pùblica.

SU PRESIDENTE

- BIDU s'art. 32 de sa Costituzione;
- BIDU s'Istatutu Ispetzziale pro sa Sardigna e sas normas de atuazione relativas;
- BIDA sa lege regionale de su 7 de ghennàrgiu de su 1977, n. 1 chi cuntenit “*Normas subra de s'organizatzione amministrativa de sa Regione Sarda e subra de sas cumpetèntzias de sa Giunta, de sa Presidèntzia e de sos Assessorados regionales*”;
- BIDA sa lege de su 23 de nadale de su 1978, n. 833 “*Istituzione de su servìtziu sanitariu nazionale*” e in particolare s'art. 32 chi disponet “*su Ministru de sa Sanidate podet emittere ordinàntzias de caràtere contingibile e urgente, in matèria de igiene e sanitade pùblica e de politzia veterinària, cun eficàtzia istèrrida a totu su territoriu nazionale o a parte de issu chi comprendet prus regiones*”, e puru “*in sas matessis matèrias sunt emìtidas dae su presidente de sa giunta regionale e dae su sindigu ordinàntzias de caràtere contingibile e urgente, cun eficàtzia istèrrida a manera rispetiva a sa regione o a parte de su territoriu suo chi comprendet prus comunes e a su territoriu comunale*”;
- BIDA sa declarazione de s'Organizatzione mondiale de sa sanitade de su 30 de ghennàrgiu de su 2020 cun sa cale s'epidemia dae covid-19 est istada valutada comente un'emergèntzia de sanitade pùblica de rilevàntzia internazionale;
- BIDA sa delibera de su Consìgiu de sos Ministros de su 31 de ghennàrgiu de su 2020 chi cuntenit “*Declarazione de s'istadu de emergèntzia in cunsighèntzia de s'arriscu sanitariu connessu a s'isvilupu de patologias chi derivant dae agentes virales trasmissibles*”;



REGIONE AUTONOMA DE SARDIGNA
REGIONE AUTONOMA DELLA SARDEGNA

SU PRESIDENTE

- BIDA s'ordinàntzia de su Capu de su Dipartimentu de sa protetzione tzivile n. 630 de su 3 de freàrgiu de su 2020 chi cuntenit "*Primos interventos urgentes de protetzione tzivile in relazione a s'emergèntzia relativa a s'arriscu sanitàriu connessu a s'isvilupu de patologias chi derivant dae agentes virales trasmissibles*";
- BIDU su decretu de su Capu de su Dipartimentu de sa protetzione tzivile n. 627 de su 27 de freàrgiu de su 2020 chi nùmenat su Presidente de sa Region Sardigna, sugetu atuadore de sos interventos segundu su OCDPC n. 630/2020;
- BIDA sa declaratzione de s'Organizatzione mundiale de sa sanidade de s'11 de martzu de su 2020 cun sa cale s'epidemia dae covid-19 est istada valutada comente "pandemia" in cunsideru de sos livellos de isparghidura e gravidade segudados a livellu globale;
- BIDU su decretu lege de su 17 de martzu de su 2020, n. 18, chi cuntenit "*Mesuras de afortigamentu de su servìzziu sanitàriu natzionale e de sustennu econòmicu pro familias, traballadores e impresas connessas a s'emergèntzia epidemiològica dae covid-19*"; mudadu, cun modificas, in sa lege de su 24 de abril de su 2020, n. 27;
- BIDU su decretu-lege de su 25 de martzu de su 2020, n. 19, chi cuntenit "*Mesuras urgentes pro fàghere fronte a s'emergèntzia epidemiològica dae covid-19*", mudadu, cun modificas, in sa lege de su 22 de maju de su 2020, n. 35 e a manera ulteriore modificadu dae su DL n. 83/2020, *in particular sos artículos 1 e 2, comma 1*;
- BIDU su decretu lege de su 16 de maju de su 2020, n. 33 chi cuntenit "Ulteriores mesuras urgentes pro fàghere fronte a s'emergèntzia epidemiològica dae covid-19" e publicadu in sa Gazzetta Ufficiale n. 125 de su 16 de maju de su 2020, mudadu, cun modificas, in sa lege de su 14 de trìulas de su 2020, n. 74 e a manera ulteriore modificadu dae su DL n. 83/2020;
- BIDU su decretu lege de su 19 de maju de su 2020, n. 34 "Mesuras urgentes in matèria de salute, sustennu a su traballu e a s'economia, e puru de políticas sotziales connessas a s'emergèntzia epidemiològica dae covid-19", mudadu, cun modificas, in sa lege de su 17 de trìulas de su 2020, n. 77;
- BIDAS sas ordinàntzias de su Ministru de sa Salude de su 30 de làmpadas de su 2020, de su 9 de trìulas de su 2020, de su 16 de trìulas de su 2020, de su 24 de trìulas de su 2020, de su 30 de trìulas de su 2020, de su 1 de austu de su 2020, de su 12 de austu de su 2020 e de su 16 de austu de su



REGIONE AUTONOMA DE SARDIGNA
REGIONE AUTONOMA DELLA SARDEGNA

SU PRESIDENTE

2020;

- BIDU su decretu lege de su 30 de triulas de su 2020, n. 83 "Mesuras urgentes connessas cun s'iscadèntzia de sa declaratzione de emergèntzia epidemiològica dae covid-19 deliberada su 31 de ghennàrgiu de su 2020" cun su cale si disponet sa pròroga de s'istadu de emergèntzia a su 15 de santugaine de su 2020;
- BIDU su decretu lege de su 14 de austu de su 2020, n. 104 "Mesuras urgentes pro su sustennu e su rilàntziu de s'economia";
- BIDU su decretu-lego de su 7 de santugaine de su 2020, n. 125, chi cuntenit "Mesuras urgentes connessas cun sa pròroga de sa declaratzione de s'istadu de emergèntzia epidemiològica dae covid-19 e pro sa sightha operativa de su sistema de allerta covid, e puru pro s'atuatzione de sa diretiva (UE) 2020/739 de su 3 de làmpadas de su 2020", mudadu cun modificatziones in sa lege de su 27 de santandria de su 2020, n. 159;
- BIDU su decretu-lego de su 28 de santugaine de su 2020, n. 137, chi cuntenit: "Ulteriores mesuras urgentes in matèria de tutela de sa salute, sustennu a sos traballadores e a sas impresas, giustitzia e siguresa, connessas a s'emergèntzia epidemiològica dae covid-19", mudadu cun modificatziones in sa lege de su 18 de nadale de su 2020, n. 176;
- BIDU su decretu-lego de su 18 de nadale de su 2020, n. 172, chi cuntenit: "Ulteriores dispositziones urgentes pro fàghere fronte a sos arriscos sanitàrios connessos a s'ispaghidura de su virus covid-19", mudadu cun modificatziones in sa lege de su 29 de ghennàrgiu de su 2021, n. 6;
- BIDU su decretu-lego de su 12 de freàrgiu de su 2021, n. 12, chi cuntenit: "Ulteriores dispositziones urgentes in matèria de cuntenimentu de s'emergèntzia epidemiològica dae covid-19";
- BIDU su decretu-lego de su 23 de freàrgiu de su 2021 n. 15, chi cuntenit: "Ulteriores dispositziones urgentes in matèria de ispostamenti in su territòriu nazionale pro su cuntenimentu de s'emergèntzia epidemiològica dae covid-19";
- BIDU su documentu chi cuntenit "Preventzione e risposta a covid-19: evoluzione de s'istrategia e pianificazione in sa fase de transizione pro su perìodu atòngiu-ijerrale" predispostu dae su Ministèriu de sa Salude, dae s'Istitutu Superiore de Sanidade, dae su Coordinamentu de sas Regiones e Provìntzias autònomas chi frunit elementos generales pro afortiare sa *preparedness* pro fàghere fronte a sas infetziones in s'istajone atòngiu-ijerru de su 2020-2021 (prot. 7474 de su 12 de santugaine de su 2020 Cunferèntzia de sas Regiones e de sas Provìntzias autònomas);



REGIONE AUTONOMA DE SARDIGNA
REGIONE AUTONOMA DELLA SARDEGNA

- BIDU SU PRESIDENTE
su decretu de su Presidente de su Consìgiu de sos Ministros de su 14 de ghennàrgiu de su 2021, chi cuntenit: "Ulteriores dispositziones atuativas de su decretu-lege de su 25 de martzu de su 2020, n. 19", mudadu, cun modificatziones, in sa lege de su 22 de maju de su 2020, n. 35, chi cuntenit "Mesuras urgentes pro fàghere fronte a s'emergèntzia epidemiològica dae covid-19", de su decretu- lege de su 16 de maju de su 2020, n. 33, mudadu, cun modificatziones, in sa lege de su 14 de trìulas de su 2020, n. 74, chi cuntenit "Ulteriores mesuras urgentes pro fàghere fronte a s'emergèntzia epidemiològica dae covid-19", e de su decretu-lege de su 14 de ghennàrgiu de su 2021 n. 2, chi cuntenit "Ulteriores dispositziones urgentes in matèria de cuntenimentu e preventziona de s'emergèntzia epidemiològica dae covid-19 e de acumprimentu de sas eletziones pro s'annu 2021";
- TORRADAS A CRAMARE sas Ordinàntzias pretzedentes pròpias emitidas in cunforma a s'articulu 32, de sa lege de su 23 de nadale de su 1978, n. 833 in tema de mesuras pro sa gestione de s'emergèntzia sanitària ligada a s'ispaghidura de sa sindrome dae covid-19;
- CUNSIDERADU s'isvilupu de sa situatzione epidemiològica, su caràtere a manera particolare difusivu de s'epidemia e sa crèschida de sos casos in su territòriu natzionale;
- BIDA sa tzirculare de su Ministèriu de sa Salude n. 3787 de su 31 de ghennàrgiu de su 2021, chi at comente ogetu: "Agiornameintu subra de s'ispaghidura a livellu globale de sas variantes noas Sars CoV-2, valutazzione de s'arriscu e mesuras de controllu;
- BIDA s'ordinàntzia de su Ministèriu de sa Salude in data 27 de freàrgiu de su 2021, publicada su 28 de freàrgiu de su 2021 in sa GURI, e in particolare s'art. 1, pro su cale in cunforma a s'articulu 1, commas 16 sexies e 16 septies de su decretu lege de su 16 de maju de su 2020, n. 33, a decùrrere dae su 1º de martzu de su 2021 a sa Regione Sardigna si àplicant sas mesuras segundu sa g.n. "zona bianca", comente determinadas dae su decretu de su Presidente de su Consìgiu de sos Ministros de su 14 de ghennàrgiu de su 2021 e decretos imbenientes adotados in cunforma a s'art. 2, comma 1, de su decretu lege de su 25 de martzu de su 2020, n. 19;
- CUNSIDERADU chi segundu s'ordinàntzia tzitada, *pro compidare sos efetos de su rilàsciu de sas mesuras anticontàgiu in sa Regione Sardigna, est istituidu unu tàulu tècnicu istituzionale cumpostu dae sos representantes de su Ministèriu de sa Salude, de s'Istitutu Superiore de sa Sanidade e de sa Regione Sardigna;*
- BIDU su Decretu de su Presidente de su Consìgiu de sos Ministros de su 2 de martzu de su 2021 e sos allegados relativos e, in particolare, s'art. 7 chi detat mesuras de cuntenimentu de su contàgiu aplicàbiles a sa zona bianca;



REGIONE AUTÒNOMA DE SARDIGNA
REGIONE AUTONOMA DELLA SARDEGNA

SU PRESIDENTE

CUNSIDERADU chi bisòngiat detare ulteriores dispositziones chi punnant a cuntrastare sa ripresa eventuale de s'isparghidura virale dae covid-19 e a garantire, in su matessi tempus, sa siguresa de sos utentes e de sos traballadores de su setore de s'iscola e de sos trasportos, assigurende a sa matessi manera sa fruitziona de su servìtziu essenziale de su trasportu pùblicu locale;

BIDAS sas motivatziones cuntènnidas in s'ordinàntzia n. 4 de su 28 de freàrgiu de su 2021, chi si intendent inoghe torradas a cramare a manera integrale;

BIDU s'art. 57, comma 4 de su DPCM de su 2 de martzu de su 2021, pro su cale "sas dispositziones de su decretu presente si àplicant a las Regiones a istatutu ispetziale e a las Provìntzias autònomas de Trento e de Bolzano a manera cumpatibile cun sos Istatutos rispetivos e sas normas de atuatzione relativas".

DADU ATU de las potestades primàrgias atribuidas a la competèntzia regionale dae la Lege Costituzionale de su 26 de freàrgiu de su 1948, n. 3;

ATESU chi faghet parte de las competèntzias primàrgias de la Regione Autònoma de la Sardigna riferidas a las matèrias torradas a pònnere a la potestade legislativa e amministrativa pròpia e, pro issa, tochet a su Presidente de la Regione Autònoma de la Sardigna, puru in calidate de Autoridade Sanitària Regionale e puru sugetu atuadore de sos interventos segundu su OCDPC 630/2020, apretziare e valutare sos interventos netzessàrios pro la tutela de la salute pùblica;

ÒRDINAT

Art. 1) A in subra de sos metzos pùblicos de su trasportu pùblicu locale, in las modalidades gomma, metru, ferru e marìtimu, cun esclusione de su trasportu iscolàsticu dedicadu, est cunsentidu unu coefiziente de pienadura non superiore a su 50 pro chentu de sos postos totales - previdente una ridutzione prus manna de sos postos a la rea cunforma a cussos a sètzere - istabilidos dae las cartas de tzirculazione o dae sos documentos currispondentes e dae las autorizatziones regionales eventuales.

Art. 2) Sas istituziones iscolàsticas segundàrias de segundu gradu adotant formas flessiblesin s'organizatzone de s'atividade didàtica in cunforma a los artículos 4 e 5 de su decretu de su Presidente de la Repùblica de s'8 de martzu de su 1999, n. 275, a manera chi a su nessi a su 50 pro chentu e finas a unu màssimu de su 75 pro chentu de la populatzione de sos istudiantes de las istituziones in antis naradas - pro la prima chida de vigèntzia de s'Ordinàntzia presente - siat garantida s'atividade didàtica in presèntzia, semper e cando in mesura non superiore a cussa cunsolidada a la data de la die de oe. Su chi restat de la



REGIONE AUTONOMA DE SARDIGNA
REGIONE AUTONOMA DELLA SARDEGNA

SU PRESIDENTE

populatzione de sos istudiantes si avalet de sa didàtica a distàntzia. Est semper garantida sa possibilidate de acumprire atividades in presèntzia si in casu mai siat netzessàriu s'impree de laboratòrios o pro mantènnere una relatzione educativa chi realizet s'inclusione iscolàstica efetiva de sos alunnos cun disabilitade e cun bisòngios educativos ispetziales, segundu cantu prevìdidu dae su decretu de su Ministru de s'Istruzione n. 89 de su 7 de austu de su 2020, e dae s'ordinàntzia de su Ministru de s'Istruzione n. 134 de su 9 de santugaine de su 2020, garantende semper e cando su collegamentu on line cun sos alunnos de sa classe chi sunt in didàtica digitale integrada. S'atividade didàtica e educativa pro sos servitzios educativos pro s'infàntzia, pro s'iscola de s'infàntzia e pro su primu tziclu de istruzione sighit a s'acumprire de su totu in presèntzia. Est obligatòriu s'impree de dispositivos de protetzione de sas bias respiratòrias francu pro sos pitzinno de edade inferiore a sos ses annos e pro sos sugetos cun patologias o disabilidades non cumpatibiles cun s'impree de sos dispositivos in antis narados. Pro mantènnere su distantziamentu intrepersonale, est de si escludere cale si siat àtera forma de agregatzione alternativa, fata etzetzione pro totu sas atividades indiritzadas a s'aprendimentu, a su recùperu de sa sotzialidade, semper e cando cunforma a sas normas de siguresa. Sas reuniones de sos òrganos collegiales de sas istituziones iscolàsticas e educativas de ogni òrdine e gradu sighint a èssere acumpridas ebbia cun modalidate a distàntzia. Su rennou de sos òrganos collegiales de sas istituziones iscolàsticas, si in casu mai non acabadu, avenit segundu modalidades a distàntzia cunforma a sos printzipios de segretesa e libertade in sa partetcipatzione a sas eletzioni. Sos entes gestores providint a assigurare sa pulizia de sos ambientes e sos acumperimentos amministrativos e contàbiles chi pertocant sos servitzios educativos pro s'infàntzia. S'ente proprietariu de s'immòbile podet autorizare, in acordu cun sas istituziones iscolàsticas, s'ente gestore a nde impreare sos tretos pro s'organizatzione e s'acumperimentu de atividades de giogu, ricreativas e educativas, no iscolàsticas nen formales, sena pregiuditziu perunu pro sas atividades de sas istituziones iscolàsticas matessis. Sas atividades ant a dèvere èssere acumpridas cun s'agiudu de personale cualificadu, e cun òbligu a càrrigu de sos gestores de adotare protocollos de siguresa apòsitos cunformes a sas línies ghia segundu s'allegadu 8 a su DPCM de su 2 de martzu de su 2021 e de protzèdere a sas atividades de pulizia e igienizatzione netzessàrias. A sas matessis condizioni, podent èssere impreados puru tzentros isportivos públicos o privados.

Art. 3)

Sas universidades, intesu su Comitatudo universitàriu regionale de riferimentu, predisponent, segundu s'andamentu de su cuadru epidemiològicu, pianos de organizatzione de sa didàtica e de sas atividades curriculares, de si acumprire a



REGIONE AUTONOMA DE SARDIGNA
REGIONE AUTONOMA DELLA SARDEGNA

SU PRESIDENTE

distàntzia o in presèntzia, chi tenent contu de sas esigèntzias formativas e de s'isvilupu de su cuadru pandèmicu territoriale e de sas esigèntzias de siguresa sanitària currispondentes cunforma a sas línias ghia de su Ministèriu de s'Universidate e de sa Chirca, segundu s'allegadu 18, e puru segundu su protocollu pro sa gestione de casos cunfirmados e suspectos de covid-19, segundu s'allegadu 22 de su DPCM de su 2 de martzu de su 2021.

Sas dispositziones segundu su comma presente si àplicant, pro cantu cumpatibles, puru a sas Istituziones de arta formatzione artística musicale e de danza, e puru sas atividades chi si devent a manera netzessària acumprire in presèntzia, intesu su Comitadu Universitàriu Regionale de riferimentu chi podet achisire su parre, pro sos Conservatorios de Mùsica, de su Comitadu Territoriale de Coordinamentu (CO.TE.CO.) e, pro sas Acadèmias e sos ISIA, de sa Cunferèntzia de sos Directores cumpetente. A benefitziu de sos istudiantes chi non resessant a partetzipare a sas atividades didàticas o curriculares de sas universidades e de sas istituziones de arta formatzione artística musicale e de danza, tales atividades podent èssere acumpridas, in ue possibile, cun modalidades a distàntzia, individuadas dae sas universidades e istituziones matessis, àpidu puru riguardu a sas esigèntzias ispetzìficas de sos istudiantes cun disabilitade e de sos istudiantes cun istorbos ispetzìficos de s'aprendimentu.

Art. 4) Pro totu cantu non disciplinadu a manera expressa dae s'ordinàntzia presente, si faghet rinviu espressu a su DPCM de su 2 de martzu de su 2021 e allegados relativos.

Art. 5) Sas dispositziones de s'ordinàntzia presente produint sos efetos issoro a fàghere data dae s'8 de martzu de su 2021 finas a su 15 de martzu de su 2021, francu pròrga crara e francu ulteriores prescritziones diversas, puru de signu contràriu, chi si diant a fàghere netzessàrias in dipendèntzia de s'andamentu de sa curva de isparghidura de su virus, chi at a èssere compidada a manera costante dae sos òrganos cumpetentes de s'amministratzione e de sas aziendas.

Francu chi su fatu non costituat reatu prus grave, sa no osservàntzia de sos òbligos segundu s'ordinàntzia presente est santzionada comente pro lege (art. 2 de su DL n. 33 de su 16 de maju de su 2020).

S'ordinàntzia presente benit trasmìtida, segundu sas cumpetèntzias rispetivas, a su Presidente de su Consigliu de sos Ministros, a su Ministro de sa Salude, a su Ministro de sas infrastruturas e de sa mobilitade sustenìbiles, a su Ministro de s'Istruzione, a sos Amministratori de sas Provìntzias de su territòriu regionale, a su Sindigu metropolitanu de Casteddu, a sos Sindigos de sos Comunes de sa Sardigna, a sos Prefetos de sos Ufitzios territoriales de Guvernu de sa Sardigna, a sos Assessores regionales, a sas sotziedades e aziendas de trasportu pùblicu locale e puru a sos àteros sugetos interessados.



REGIONE AUTONOMA DE SARDIGNA
REGIONE AUTONOMA DELLA SARDEGNA

SU PRESIDENTE

Contra a s'ordinàntzia presente est ammìtidu ricursu giurisditzionale a in antis de su Tribunale Amministrativu Regionale in su tèrmine de sessanta dies dae sa comunicatzone, ossiat istraordinàriu a su Capu de s'Istadu intro de su tèrmine de dies chentubinti.

Christian Solinas



CHRISTIAN SOLINAS
REGIONE AUTONOMA
DE SA SARDIGNA -
SISTEMA REGIONE
05.03.2021 20:51:36
UTC

Tradutzione de s'operadura de s'isportellu linguistiku de Pàdria
Maria Leonarda Correddu